



Sònrachadh Cùrsa
Àrd-ìre Adhartach



Eachdraidh An Àrd Ìre Adhartach Sònrachadh Cùrsa

Dligheach bho Lùnastal 2015

An deasachadh seo: Giblean 2013, dreach 1.0

Faodar an sònrachadh ath-riochdachadh gu lèir no ann am pàirt airson adhbharan foghlaim fhad 's nach dèanar prothaid sam bith bhon ath-riochdachadh, agus, ma thèid ath-riochdachadh ann am pàirt, gun ainmichear an stòr. Faodar lethbhreacan a bharrachd den t-Sònrachadh Cùrsa seo a luchdachadh a-nuas bho làrach-lìn SQA www.sqa.org.uk.

Feuch an toir thu sùil air nota de dh'atharrachaidhean aig deireadh an t-Sònrachadh Cùrsa seo airson mion-fhiosrachadh air atharrachaidhean bhon deasachadh roimhe (far a bheil sin iomchaidh).

© Ùghdarras Theisteanas na h-Alba 2013

Cnàmhan a' Chùrsa

Tìotal cùrsa: An Àrd Ìre Adhartach Eachdraidh

SCQF: ìre 7 (32 puingeann creideis SCQF)

Còd Cùrsa: ri thighinn

Aonadan Riatanach

Sgrùdadh Eachdraidheil (Àrd Ìre Adhartach) 16 puingeann creideis SCQF

A' rannsachadh Chùisean Eachdraidheil (Àrd-ìre Adhartach)
8 puingeann creideis SCQF

Measadh cùrsa 8 puingeann creideis SCQF

Tha an Cùrsa seo a' toirt a-steach ochd puingeann creideis SCQF gus ùine a bharrachd a cheadachadh airson ullachadh airson measadh Cùrsa. Bidh measadh a' Chùrsa a' còmhach luach-leasaichte a' Chùrsa. Gheibhear tuilleadh fiosrachaidh mu mheasadh a' Chùrsa anns an earrainn Measaidh.

Ìre tòiseachaidh

Gheibhear a-steach don Chùrsa seo le cead an ionaid. Ach san àbhaist bithear an dùil gum bi na sgilean, an t-eòlas agus an tuigse a tha riatanach bho na leanas no teisteanasan co-ionann agus/no eòlas aig an luchd-ionnsachaidh:

- ◆ Cùrsa Eachdraidh Àrd Ìre

Adhartas

Dh'fhaodadh an Cùrsa seo no na h-Aonadan aige a bhith nan slighe air adhart gu:

- ◆ cùrsaichean ceum ann an cuspairean sòisealta agus saidheansan sòisealta no raointean co-cheangailte
- ◆ raon farsaing de dhreuchdan

Tha tuilleadh fiosrachaidh anns an earrainn air Feallsanachd.

Co-ionannachd agus in-ghabhail

Chaidh an Sònrachadh Cùrsa seo a dhealbh gus dèanamh cinnteach nach eil bacaidhean neo-riatanach ann a thaobh ionnsachadh no measadh. Bu chòir sùim a ghabhail do fheumalachdan luchd-ionnsachaidh fa leth nuair a bhithear a' dealbh eòlasan ionnsachaidh, a' taghadh dhòighean measaidh no a' beachdachadh air fianais eile. Airson tuilleadh fiosrachaidh, thoir sùil air *Notaichean Taic Cùrsa agus Aonaid*.

Feallsanachd

Tha a h-uile Cùrsa Nàiseanta ùr agus ùraichte a' comharrachadh luachan, amasan agus prionnsapalan a' Churraicealam airson Sàr-mhathais. Bidh iad

a' tairginn sùbailteachd, barrachd ùine airson ionnsachadh, barrachd fòcas air sgilean agus a' cur ionnsachadh an gnìomh, agus cothrom air ùidh phearsanta agus roghainn.

Anns a' Chùrsa seo, agus na h-Aonadan bhon chùrsa, bidh cuideam air leasachadh sgilean agus cleachdadh nan sgilean sin. Bidh dòighean measaidh co-rèireach, freagarrach a rèir an amais agus a' brosnachadh deagh chleachdadh, a' leigeil le luchd-ionnsachaidh na h-ìrean as àirde as urrainn dhaibh a choileanadh.

Bheir an Cùrsa seo cothroman do luchd-ionnsachaidh leantainn orra le bhith a' faighinn agus a' leasachadh bhuadhan is chomasan nan ceithir comasachdan, a bharrachd air sgilean airson ionnsachadh, sgilean airson beatha agus sgilean airson obair.

Bheir na Cùrsaichean gu lèir cothroman do luchd-ionnsachaidh farsaingeachd, dùbhlán agus cleachdadh a leasachadh, ach bidh fòcas agus cothromachd a' mheasaidh freagarrach airson a' chuspair.

An dàimh eadar an Cùrsa agus luachan, amasan agus prionnsapalan a' Churraicealam airson Sàr-mhathais.

Bho thaobh àm agus a' gabhail a-steach an dà chuid leantailachd agus atharrachadh, tha Eachdraidh a' togail nithean bho raointean agus chuspairean eile agus bho modhan-beachdachaidh gus mineachadh a thoirt air tachartasan san àm a chaidh seachad agus a' cuideachadh ann a bhith a' mineachadh an là an-diugh.

Sa Chùrsa seo, mar aig ìrean eile ann an Eachdraidh, bidh luchd-ionnsachaidh a' leasachadh an tuigse air an t-saoghal le bhith ag ionnsachadh mu dhaoine eile agus an luachan, aig amannan eile, ann an àiteachan eile agus ann an suidheachaidhean eile. Brosnaichidh seo luchd-ionnsachaidh gus beachdan cudromach a leasachadh, a' gabhail a-steach spèis do luachan, creideasan agus cultaran chàich; a bhith fosgailte do smaoinachadh agus do bheachdan ùra; dealas a thaobh luachan deamocrataigeach; mothachadh air dleastanas agus saoranachd chruinneil.

Bidh Eachdraidh a' cur ri tuigse luchd-ionnsachaidh air an t-saoghal cho-aimsireil sa bheil iad beò agus ag obair le bhith gan cuideachadh a bhith mothachail agus tuigse fhaighinn air na cumhachdan a tha air cumadh a thoirt air an t-saoghal tha againn an-diugh. Tha a bhith a' faighinn eòlas agus tuigse, stèidhichte air cuspair, air tachartasan ann an eachdraidh aig teis mheadhan a bhith a' cuideachadh luchd-ionnsachaidh a bhith a' cur gu h-èifeachdach ris a' chomann sa bheil iad beò agus a bhith nan saoranach earbsach ann, cho math ri bhith a' toirt barrachd misneachd dhaibh fa leth nan ionnsachadh agus nam beatha obrach.

Tron Chùrsa, leasaichidh luchd-ionnsachaidh na ceithir comasachdan ann an iomadh dòigh. Mar eisimpleir, thèid sealladh an luchd-ionnsachaidh a leudachadh agus thèid iarraidh orra coimhead air an t-saoghal ann an dòighean ùra. Fàsaidh a' mhisneachd aca nuair a thòisicheas iad a' tuigsinn barrachd mun dearbh-aithne fhèin agus an àite san t-saoghal cho-aimsireil.

Aig an ìre Àrd Ìre Adhartach, tha an cudrom a thathar a' cur air a bhith a' dèanamh rannsachadh mionaideach air cuspair sònraichte a' leigeil le luchd-ionnsachaidh a bhith a' sgrùdadh chùisean agus bheachdan soifioستاigeach, a dhol an sàs ann an raon fharsaing de stòran, agus leirmheas a dhèanamh air raon fharsaing de mhìneachaidhean air eachdraidh. Tha an doimhneachd cnuasachaidh seo a' toirt cothrom air leth air dol an sàs inntinneil air cuspair eachdraidh iom-fhillte.

Bheir an Cùrsa seo cuideachd cothroman do luchd-ionnsachaidh sgilean airson ionnsachadh, sgilean airson beatha agus sgilean airson obair a leasachadh. Bidh iad sin a' gabhail a-steach àrd ìre ann an litearrachd le bhith a' leughadh theacsaichean eachdraidheil agus a' sgrìobhadh chunntasan mu chuspairean agus thachartasan eachdraidheil. Tro dhol an sàs inntinneil le iomadh mìneachadh eachdraidheil agus le bhith a' cur ri obair buidhne, bidh an luchd-ionnsachaidh a' leasachadh sgilean deasbaid agus luachan a bhith fhulangaich a thaobh beachdan chàich. Ionnsaichidh iad mar a leasaicheas agus a chumas iad suas argamaid iom-fhillte stèidhichte air, agus a rèir, na fianais a tha ri làimh.

Tha na gnìomhan sgrùdaidh breithneachail sa Chùrsa seo a' toirt cothrom do luchd-ionnsachaidh air sgilean a dh'fhaodas iad a chleachdadh ann an raointean eile nam beatha, obair agus airson tuilleadh rannsachaidh. Tro bhith a' rannsachadh prìomh stòran agus dàrna stòran, bithear a' misneachadh luchd-ionnsachaidh a bhith a' gabhail uallaich airson an ionnsachaidh fhèin cho math ri bhith a' fàs nan saoranaich earbsach. Tha a bhith a' sgrùdadh nan stòran sin deatamach a thaobh an rannsachaidh a dh'fheumar gu pìos-obrach susbainteach a choileanadh.

Adhbhar agus amasan a' Chùrsa

The purpose of the this Course is to allow learners to acquire depth in their knowledge and understanding of historical themes and to develop further the skills of analysing complex historical issues, evaluating sources and drawing conclusions.

Is e amas a' Chùrsa a bhith a' leigeil le luchd-ionnsachaidh doimhneachd fhaighinn anns an eòlas agus an tuigse a tha aca air cuspairean eachdraidheil agus tuilleadh leasachaidh a dhèanamh air na sgilean a thaobh a bhith a' dèanamh anailis air cùisean eachdraidh iom-fhillte, a' luachadh stòran agus a' tighinn gu co-dhùnaidhean.

Tha an Cùrsa seo a' cur gu mòr ris a' churraicealam le bhith a' dol an sàs ann an cùisean a tha ag èiridh a-mach à tachartasan agus leasachaidhean cudromach ann an eachdraidh. Tha an doimhneachd san obair a' leigeil leis an luchd-ionnsachaidh a bhith a' dol an sàs gu mòr ann an deasbad

eachdraidheil agus mar sin a' leasachadh tuigse nas doimhne air na forsan a tha air cumadh a thoirt air leasachaidhean eachdraidheil.

. The depth of study enables learners to engage fully in historical debate and thereby develop a deeper appreciation of the forces which have shaped historical developments.

'S iad amasan a' Chùrsa seo a bhith a' dèanamh luchd-ionnsachaidh comasach air:

- ◆ beachdan neo-eisimeileach a tha cruaidh agus mionaideach a leasachadh
- ◆ anailis sgrùdail a dhèanamh air rannsachadh eachdraidheil a chaidh a dhèanamh a cheana, a' gabhail a-steach a bhith a' comharrachadh loidhnichean argamaid cudromach agus a' luachadh beachdan air cùisean sònraichte ann an eachdraidh
- ◆ anailis a dhèanamh air stòran eachdraidh a thaobh ùghdarras agus adhbhar, beachd agus suidheachadh eachdraidheil agus eachdraidh-grafaigeach
- ◆ a' leasachadh tuigse air a' chàirdeas eadar cùisean a tha a' cur ri, agus buaidh thachartasan iom-fhillte eachdraidheil
- ◆ ceangal a dhèanamh eadar prìomh stòran agus sheallaidhean bho rannsachadh ann an eachdraidh gus anailis a dhèanamh air cùisean eachdraidh a tha iom-fhillte agus gus taic a chur ri argamaidean a tha a' sealltainn cho iom-fhillte 's a tha na cùisean ris a bheil iad a' dèiligeadh
- ◆ modh-obrach a chleachdadh a tha iomchaidh agus le structair a thaobh a bhith a' rannsachadh cùis ann an eachdraidh agus a' tighinn gu co-dhùnadh ann an dòigh shoilleir air a dheagh reusanachadh, agus aig an aon àm a' sealltainn cho iom-fhillte 's a tha a' chùis air a bheilear a' beachdachadh agus na cuingealachdan a tha ann a thaobh an fhianais a tha ri fhaotainn

Fiosrachadh mu luchd-ionnsachaidh a bhiodh an dùil an Cùrsa a dhèanamh

Tha Cùrsaichean Eachdraidh iomchaidh airson mòran luchd-ionnsachaidh a tha airson barrachd tuigse fhaighinn air sgrùdadh eachdraidheil le bhith a' toirt an sgilean rannsachaidh air adhart gu ìre acadaimigeach.

Gheibhear a-steach don Chùrsa seo le cead an ionaid. Ach, bhiodh e feumail do luchd-ionnsachaidh na sgilean is an t-eòlas a bhith aca a tha riatanach airson Cùrsa Eachdraidh aig an Àrd Ìre, Aonadan iomchaidh, cuspair sòisealta eile aig Àrd Ìre no teisteanasan co-ionann. Tha an Cùrsa seo gu sònraichte freagarrach do luchd-ionnsachaidh a dh'fhaodadh a bhith airson a dhol air adhart gu cùrsaichean ceum agus obair ann an eòlas daonna, saidheansan sòisealta, lagh agus cànanan. Tha mòran dhreuchdan ann a dh'fhaodadh iad a leantainn a' gabhail a-steach foghlam, lagh, manaidsèadh agus rianachd phoblach.

Le bhith a' dèanamh a' Chùrsa seo, bidh luchd-ionnsachaidh a' togail raon farsaing de sgilean cudromach a ghabhas cleachdadh ann an suidheachaidhean eile. Tha na sgilean seo a' gabhail a-steach: comas

rannsachadh neo-eisimeileach a dhèanamh; sgrùdadh air cuspairean agus tachartasan eachdraidheil, a' mion-sgrùdadh fiosrachadh bho raon fharsaing de stòran gus argamaidean mionaideach agus leantainneach a chruthachadh; luachadh stòran eachdraidh; a' dèanamh anailis air cùisean eachdraidh; agus a' conaltradh le co-dhùnidhean air an deagh reusanachadh stèidhte air fianais.

Thathas a' tairgsinn Aonadan is Cùrsaichean Eachdraidh bho ìre SCQF 3 gu SCQF 7. Tha adhartas dìreach comasach tro ìrean theisteanasan Eachdraidh agus tha adhartas taobhach comasach gu teisteanasan eile ann an Cùrsaichean nan cuspairean sòisealta.

Structar a' Chùrsa agus cumhachan coileanaidh

Structar a' Chùrsa

Tron Chùrsa seo bidh luchd-ionnsachaidh a' toirt piseach air raon de sgilean inntinn a' gabhail a-steach rannsachadh, a' dèanamh anailis agus luachadh air fiosrachadh gus mìneachadh agus tuigsinn chùisean eachdraidheil agus cho-aimsireil.

Tha dà Aonad sa Chùrsa seo: *Sgrùdadh Eachdraidheil (Àrd Ìre Adhartach)* agus *A' Rannsachadh Chùisean Eachdraidheil (Àrd Ìre Adhartach)*. Tha tòrr sùbailteachd anns na cuspairean as urrainnear a rannsachadh gus ùidh phearsanta agus roghainn a cheadachadh.

Le bhith a' dèanamh a' Chùrsa seo, bidh luchd-ionnsachaidh a' togail raon farsaing de sgilean cudromach a ghabhas cleachdadh ann an suidheachaidhean eile, mar: comas rannsachadh neo-eisimeileach a dhèanamh agus cuspairean eachdraidheil agus tachartasan a rannsachadh; tuigse agus cleachdadh fiosrachadh bho raon fharsaing de stòran gus argamaidean mionaideach agus leantainneach a chruthachadh; luachadh stòran eachdraidh; a' dèanamh anailis air cùisean eachdraidheil; agus a' conaltradh mu cho-dhùnaidhean air an deagh reusanachadh stèidhte air fianais.

Thèid na sgilean gu h-àrd a leasachadh tro sgrùdadh mionaideach air aon raon eachdraidheil sna h-Aonadan a leanas. Tha gach Aonad cuideachd a' tairgsinn chothroman airson luchd-ionnsachaidh fòcas a chur air sgilean sònraichte.

Tha Aonadan mar chunntasan air slatan-tomhais airson measadh agus chan ann mar phrògraman ionnsachaidh is teagaisg. Gabhaidh an libhrigeadh ann an grunn dhòighean.

Sgrùdadh Eachdraidheil (Àrd Ìre Adhartach)

San Aonad seo, nì luchd-ionnsachaidh sgrùdadh air aon àm ann an eachdraidh. Tron rannsachadh seo leasaichidh iad an comas a bhith a' luachadh raon fharsaing de stòran eachdraidheil aig a bheil cuid de fheartan iom-fhillte, a' gabhail a-steach dearbhachd, susbaint agus suidheachaidhean eachdraidh agus eachdraidh-grafaigeach. Ann a bhith a' dèanamh seo bidh iad a' dol an sàs ann am beachdan ghrunnaidh luchd-eachdraidh, a' dèanamh anailis air na cùisean gus argamaid a chumail suas ann an dòigh bhrìgheil agus a bhith a' tighinn gu co-dhùnaidhean air an deagh reusanachadh le taic bho fhianais mhionaideach.

Bidh luchd-ionnsachaidh a' taghadh aon Raon Sgrùdaidh bho liosta de raointean a chaidh an comharrachadh.

A' Rannsachadh Chùisean Eachdraidheil (Àrd Ìre Adhartach)

San Aonad seo, leasaichidh luchd-ionnsachaidh raon de sgilean buntainneach le bhith a' dèanamh rannsachadh neo-eisimeileach a' gabhail a-steach mar a thaghas iad cùisean rannsachaidh iomchaidh; a' dealbhadh is a' manaidsèadh prògram rannsachaidh iom-fhillte; a' lorg, a' cruinneachadh is

a' clàradh fiosrachadh iomchaidh is earbsach; a' luachadh, a' dèanamh anailis is a' co-chur fianais; ag eagrachadh, a' taisbeanadh is a' clàradh thoraidhean a' cleachdadh dhòighean iomchaidh; agus a' luachadh dhòighean-obrach rannsachaidh.

Cumhachan coileanaidh

Gus crìoch a chur air a' Chùrsa, feumaidh an neach-ionnsachaidh soirbheachadh anns na h-Aonadan air fad, a bharrachd air measadh a' Chùrsa. Chithear na h-Aonadan riatanach ann an Cnàmhan a' Chùrsa. Bidh measadh a' Chùrsa na bhunait airson ìre coileanaidh deireannach a' Chùrsa.

Sgilean, eòlas agus tuigse

Gheibhear tuilleadh fiosrachaidh mu mheasadh sgilean, eòlas agus tuigse a' Chùrsa ann an *Sònrachadh Measadh a' Chùrsa*. Gheibhear tar-shealladh farsaing de sgilean, eòlas is tuigse riatanach a' chuspair a thèid a mheasadh sa Chùrsa anns an earrainn seo.

Tha seo a' còmhdach:

- ◆ a bhith a' leasachadh agus a' cleachdadh sgilean, eòlas agus tuigse bho raon de eachdraidh a chaidh a thaghadh
- ◆ a' luachadh raon farsaing de stòran eachdraidh aig a bheil feartan iom-fhillte a' gabhail a-steach dearbhadh, susbaint agus suidheachaidhean eachdraidheil agus eachdraidh-grafaigeach
- ◆ a' dol an sàs ann am beachdan raon de luchd-eachdraidh
- ◆ a' leantainn argamaid shoilleir
- ◆ a' tighinn gu co-dhùnaidhean air an deagh reusanachadh le taic bho fhianais mionaideach
- ◆ a' comharrachadh cùisean rannsachaidh iomchaidh
- ◆ a' planadh agus a' manaidseadh prògram rannsachaidh iom-fhillte
- ◆ a' lorg, a' cruinneachadh agus a' clàradh fiosrachadh iomchaidh agus earbsach
- ◆ a' luachadh, a' dèanamh anailis agus a' cur ri chèile fianais
- ◆ a' tuigsinn mar a thèid nithean a fhuair a-mach eagrachadh, a thaisbeanadh agus a chlàradh a' cleachdadh modhan iomchaidh

Bidh sgilean, eòlas agus tuigse sa Chùrsa iomchaidh airson ìre SCQF a' Chùrsa. Bidh sònrachaidhean ìre SCQF a' toirt tuilleadh fiosrachaidh air na feartan agus an coileanadh ris am bi dùil aig gach ìre SCQF (www.sqa.org.uk/scqf).

Measadh

Tha fiosrachadh mu mheasadh a' Chùrsa ann an *Sònrachadh Measadh a' Chùrsa*, anns a bheil mion-fhiosrachadh a tha a' gabhail a-steach comhairle air mar a thèid coileanadh iomlan neach-ionnsachaidh sa Chùrsa a cho-dhùnadh.

Measadh aonaid

Tha an dà Aonad air am measadh san ionad mu choinneamh na tha air iarraidh anns an t-*Sònrachadh Aonaid*.

Thèid am measadh Aonad an dèidh Aonaid no tro mheasadh aonaichte.

Thèid am measadh air bunait shoirbheachail/neo-shoirbheachail taobh a-staigh ionadan. Nì SQA dearbhadh càileachd cruaidh air stuthan, a' gabhail a-steach dearbhadh bhon taobh a-muigh, gus a bhith cinnteach

gu bheil breithneachadh measaidh cunbhalach agus a rèir shlatan-tomhais nàiseanta.

Bidh measadh nan Aonadan sa Chùrsa seo mar a leanas:

Sgrùdadh Eachdraidheil (Àrd Ìre Adhartach)

San Aonad seo, bidh e riatanach don neach-ionnsachaidh fianais a thoirt air a bhith:

- ◆ a' tarraing air eòlas fhìorasach agus theòiridheach agus tuigse air cùisean iom-fhillte eachdraidheil
- ◆ a' mion-sgrùdadh raon de stòran eachdraidheil
- ◆ a' mion-sgrùdadh nan adhbharan airson no buaidh leasachaidhean iom-fhillte eachdraidheil

A' Rannsachadh Chùisean Eachdraidheil (Àrd Ìre Adhartach)

San Aonad seo, bidh e riatanach don neach-ionnsachaidh fianais a thoirt air:

- ◆ an comas rannsachadh neo-eisimeileach a dhèanamh air cùisean iom-fhillte eachdraidheil

Measadh cùrsa

Cùrsaichean bho Nàiseanta 4 gu Àrd Ìre Adhartach a' toirt a-steach measadh air [luach-leasaichte](#)¹. Aig Nàiseanta 5, Àrd Ìre agus Àrd Ìre Adhartach, thèid measadh a dhèanamh air an luach-leasaichte anns a' mheasadh Cùrsa. Feumaidh an luach-leasaichte airson a' Chùrsa sùim a ghabhail de phrìomh adhbharan agus amasan a' Chùrsa, mar a chaidh a mhìneachadh ann am Feallsanachd a' Chùrsa. Nì e seo le bhith a' dèiligeadh ri aon no barrachd a thaobh farsaingeachd, dùbhlàn no cleachdadh.

Anns a' Chùrsa Àrd Ìre Adhartach ann an Eachdraidh, bidh fòcas luach-leasaichte air:

- ◆ dùbhlàn
- ◆ cleachdadh

Bidh an neach-ionnsachaidh a' cleachdadh, a' leudachadh agus a' coileanadh an eòlais agus na sgilean a fhuair iad bhon Chùrsa. Thèid seo a mheasadh tro mheasgachadh de [phàipear-cheistean](#)² agus [pròiseact](#)³. Feumaidh am pàipear-cheistean⁴ eòlas, tuigse agus sgilean bho air feadh a' Chùrsa a nochdadh. Bidh am pròiseact ag iarraidh air luchd-ionnsachaidh an t-eòlais is na sgilean aca a leudachadh agus a chleachdadh agus bidh e fosgailte is sùbailte gu leòr airson ùidh phearsanta agus roghainn a cheadachadh.

¹ iGheibhear mìneachadh an seo: <http://www.sqa.org.uk/sqa/58409.html>

² Airson mìneachadh faic an ceangal gu h-àrd.

³ Airson mìneachadh faic an ceangal gu h-àrd.

Leasachadh sgilean airson ionnsachadh, sgilean airson beatha agus sgilean airson obair

Tha dùil gun leasaich luchd-ionnsachaidh sgilean farsaing, coitcheann tron Chùrsa seo. Tha na sgilean a thathas an dùil a bheir luchd-ionnsachaidh air adhart tron Chùrsa stèidhte air *Frèam-obrach Sgilean SQA: Sgilean airson Ionnsachadh, Sgilean airson Beatha agus Sgilean airson Obair* agus air an cleachdadh bho na prìomh sgilean gu h-ìosal. Feumar iad sin a thoirt a-steach don Chùrsa far a bheil cothroman iomchaidh ann.

1 Litearrachd

- 1.1 Leughadh
- 1.2 Sgrìobhadh

4 Comas-obrach, iomairt agus saoranachd

- 4.6 Saoranachd

5 Sgilean smaoineachaidh

- 5.3 A' cleachdadh
- 5.4 A' dèanamh anailis agus a' luachadh

Tha barrachd fiosrachaidh air na sgilean sin ann am *Frèam-obrach Sgilean SQA: Sgilean airson Ionnsachadh, Sgilean airson Beatha agus Sgilean airson Obair*. Bidh ìre nan sgilean sin iomchaidh airson ìre a' Chùrsa. Gheibhear tuilleadh fiosrachaidh mu bhith a' togail air sgilean airson ionnsachadh, sgilean airson beatha agus sgilean airson obair airson a' Chùrsa anns na *Notaichean Taic Cùrsa*.

Fiosrachadh rianachd

Foillsichte: Giblean 2013 (dreach 1.0)

Eachdraidh atharrachaidhean air Sònrachadh Cùrsa Nàiseanta

Mion-fhiosrac	Deasachadh	Cunntas air atharrachadh	Ùghdarraichte le	Ceann-latha

Faodar an sònrachadh ath-riochdachadh gu lèir no ann am pàirt airson adhbharan foghlaim fhad 's nach dèanar prothaid sam bith bhon ath-riochdachadh, agus, ma thèid ath-riochdachadh ann am pàirt, gun ainmichear an stòr. Faodar lethbhreacan a bharrachd den t-sònrachadh seo a luchdachadh a-nuas bho làrach-lìn SQA aig www.sqa.org.uk.

Nota: Thathas gad chomhairleachadh sùil a thoirt air làrach-lìn SQA (www.sqa.org.uk) gus dèanamh cinnteach gu bheil thu a' cleachdadh an dreach as ùire den t-Sònrachadh Cùrsa.

© Ùghdarras Theisteanas na h-Alba 2013